

**KANTON SARAJEVO STRUČNA SLUŽBA ZA ZAJEDNIČKE POSLOVE**

ulica Reisa Džemaludina Čauševića br. 1 71 000 Sarajevo

ID broj: 4200667410006

koju zastupa načelnik Fikret Jašarević (u daljem tekstu *Osiguranik*)

*i*

**EUROHERC OSIGURANJE d.d. Sarajevo,**

ulica Trg međunarodnog prijateljstva br. 20, 71 000 Sarajevo,

ID broj: 4227015330006

koja zastupa direktor Damir Hadžić (u daljem tekstu: *Osiguravač*)

zaključili su

**UGOVOR O OBAVEZNOM OSIGURANJU VOZILA**

**Član 1.**

Ugovorne strane su saglasne da je predmet ovog ugovora obavezno osiguranje vozila koje koristi Kanton Sarajevo.

**Član 2.**

Imovina koja se veže za predmet ugovora iz člana 1. ovog Ugovora, osiguravaju se od osnovnih i dopunskih rizika, a razvrstani su u više grupa-skupina i vrsta osiguranja.

Na osnovu registrovanih djelatnosti, osiguravač vrši osiguranje sljedeće grupe-skupine osiguranja:

**1. Obavezno osiguranje vozila AO prema ovom ugovoru za minimalno 101 vozilo, prema važećoj tarifi i u skladu sa uslovima ponude, broj: 21303141 od 15.01.2021. godine, zaprimljene pod brojem: 17-11-1478 od 18.01.2021. godine (u daljem tekstu: *Ponuda*), započinje danom potpisivanja ugovora i vrijedi do 31.12.2021. godine;**

**2. Osiguravač se obavezuje da za svako vozilo koje osigura (obavezno osiguranje) blagovremeno izda „policu osiguranja” kao i zeleni karton.**

**Član 3.**

Obavezno osiguranje vozila plaćat će se prema važećoj tarifi u skladu sa uslovima Ponude, uz potpuno poštivanje rokova registracije vozila u zadatim vremenskim periodima.

Ukupna maksimalna visina premije obaveznog osiguranja za gore navedena vozila iznosi:

**55.056,03 KM**

(slovima: pedesetpethiljadpedesetšest i 3/100 KM),

**Član 4.**

Osiguranik je dužan da, u skladu sa Uslovima osiguranja, blagovremeno prijavi Osiguravaču sve promjene na vozilima koji su predmet ovog osiguranja i eventualno prijavi eventualne štete na istim, a ukoliko je neophodno i obezbijedi oštećeno vozilo do momenta dolaska ovlaštenog lica Osiguravača radi procjene i likvidacije štete.

#### Član 5.

Osiguravač se obavezuje da postupa u skladu sa Uslovima osiguranja, ponuđenim uslovima iz ponude i zahtjevima Osiguranika, vezano za nastale promjene na vozilima osiguranika. Također se obavezuje da u skladu sa zakonskim propisima i u primjerenim rokovima izvrši procjenu, likvidaciju i isplatu štete po odštetnom zahtjevu osiguranika, ukoliko za to postoji jasno utvrđen pravni osnov.

#### Član 6.

Za sva zaključena osiguranja u skladu sa ovim ugovorom, Osiguravač će višak rizika reosigurati, čime se u potpunosti štiti imovina Osiguranika, kao i interesi obje ugovorne strane.

#### Član 7.

Ovaj ugovor se zaključuje na određeno vrijeme, počev od dana potpisivanja ugovora i važi do 31.12.2021. godine.

Ugovorne strane su saglasne da ovaj Ugovor može prestati sporazumom ugovornih strana i otkazom bilo kog ugovarača, uz otkazni rok od 30 dana.

Svaka ugovorna strana može u svako doba raskinuti ovaj ugovor u slučaju kršenja odredbi ovog ugovora, bez obaveze poštivanja otkaznog roka.

#### Član 8.

Osiguranje po ovom Ugovoru obuhvata sve štete koje nastanu u ugovorenom periodu, za svaku vrstu osiguranja iz člana 2. ovog Ugovora.

U skladu sa uslovima **Ponude**, potpisivanjem ovog ugovor **Osiguravač preuzima obavezu osiguranja vozača i putnika** za sva vozila koja se registruju u navedenom roku važenja ugovora.

Po nastanku štetnog događaja Osiguravač će odmah po prijemu prijave fotografisati (snimiti) oštećenja i sačiniti zapisnik o oštećenjima uz prisustvo ovlaštenog predstavnika Osiguranika.

Naknadu štete Osiguravač će plaćati osiguraniku u roku od jednog (1) dana.

Osiguravač će, prema potrebama Osiguranika, izdavati i police putničkog zdravstvenog osiguranja (PZO) i Osiguraniku dostaviti:

- uslove PZO i cjenovnik sa teritorijalnim važenjem osiguranja,
- uputstvo za ostvarivanje prava i slučaju bolesti ili nesretnog slučaja,
- tarife PZO i Uputstvo za rad u poslovima PZO.

#### Član 9.

Sve izmjene i dopune ovog ugovora vršit će se potpisivanjem "dodatnog ugovora", na način zaključivanja osnovnog ugovora.

#### Član 10.

Ugovorne strane su saglasne da sve, eventualne, sporove rješavaju sporazumno, a ako to ne bude moguće pred nadležnim sudom u Sarajevu.

#### Član 11.

Osiguravač nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili

stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

**Član 12.**

Ovaj ugovor stupa na snagu danom potpisivanja, a sačinjen je u četiri (4) istovjetna primjerka od kojih svaka ugovorna strana zadržava po 2 primjerka ugovora.



Broj: 17-11-44401-36/20  
Datum: 18.02.2020. godine

Broj: 21303392  
Datum: 19.02.2021.